

ქ. თბილისი

« 26 » « ივნისი » 2017 წ.

ერთი მხრივ, საქართველოს თავდაცვის სამინისტრო (შემდგომში - „შემსყიდველი“), წარმოდგენილი სახელმწიფო შესყიდვების დეპარტამენტის უფროსის შალვა ბულაშვილის სახით და მეორე მხრივ, შპს „მასტერ სპორტი“ (შემდგომში - „მიმწოდებელი“), წარმოდგენილი დირექტორის ია ბალხამიშვილის სახით, ხოლო ორივე ერთად შემდგომში წოდებული როგორც მხარეები, ვხელმძღვანელობთ რა „სახელმწიფოს შესყიდვების შესახებ“ საქართველოს კანონის მე-10<sup>1</sup> მუხლის, მე-3 პუნქტის „ბ“ ქვეპუნქტის საფუძველზე, ვაფორმებთ სახელმწიფო შესყიდვის შესახებ ხელშეკრულებას შემდეგზე:

### 1. გამოყენებული ტერმინების განმარტებები

- 1.1 „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომელზეც ხელშეკრულებაში არის მინიშნებები.
- 1.2 „ხელშეკრულების ჯამური ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ჯეროვანი შესრულებისათვის.
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „სამუშაო დღე“ - კალენდარული დღე შაბათის, კვირისა და საქართველოს კანონმდებლობით განსაზღვრული უქმე დღეების გარდა.
- 1.5 „შემსყიდველი“ – ორგანიზაცია, რომელიც ახორციელებს შესყიდვას.
- 1.6 „მიმწოდებელი“ – პირი, რომელიც ახორციელებს საქონლის მიწოდებას ამ ხელშეკრულების ფარგლებში.
- 1.7 „ინსპექტირება“ – ხელშეკრულების პირობების შესრულების კონტროლი და ზედამხედველობა.

### 2. ხელშეკრულების საგანი

ხელშეკრულების საგანს წარმოადგენს საქართველოს თავდაცვის სამინისტროს მიერ, 2017 წლის სახელმწიფო ბიუჯეტის დაფინანსების ფარგლებში (კოდი: 29.02.04), წინამდებარე ხელშეკრულებითა და ხელშეკრულების დანართი N1-ით განსაზღვრული სპორტული საქონლის (ვერტიკალური ველოტრენაჟორი და პრესის ტრენაჟორი) – (შემდგომში - „საქონელი“) შესყიდვა (CPV 37400000 , SMP 170001565).

### 3. ხელშეკრულების ჯამური ღირებულება

- 3.1. ხელშეკრულების ჯამური ღირებულება შეადგენს 9192,00 (ცხრა ათას ასოთხმოცდათორმეტი) ლარს და მოიცავს მიმწოდებლის ყველა ხარჯს, დაკავშირებულს საქონლის მიწოდებასთან, ტრანსპორტირებასთან და შემსყიდველისათვის საკუთრებაში გადაცემასთან, მათ შორის, კანონმდებლობით დადგენილ ყველა გადასახადს (დღგ-ს გათვალისწინებით), მოსაკრებელსა და სახდელს.
- 3.2. მისაწოდებელი საქონლის ერთეულის ღირებულება განისაზღვრება წინამდებარე ხელშეკრულების დანართი N1-ით.

### 4. მხარეთა ვალდებულებები და პასუხისმგებლობა

- 4.1. მიმწოდებელი იღებს ვალდებულებას მიაწოდოს შემსყიდველს საქონელი, წინამდებარე ხელშეკრულებით განსაზღვრული პირობების შესაბამისად.
- 4.2. მიმწოდებლის მიერ მიწოდებული საქონელი უნდა შეესაბამებოდეს მხარეთა მიერ შეთანხმებულ ხარისხს, ხოლო ასეთი შეთანხმების არ არსებობის შემთხვევაში შესყიდვის განხორციელების მიზნის შესაბამის ხარისხს. მიწოდებული საქონელი უნდა იყოს სრულიად ახალი.
- 4.3. მიმწოდებელი ვალდებულია განიხილოს შემსყიდველის პრეტენზიები და მიაწოდოს მოტივირებული პასუხი ყველა კითხვაზე.
- 4.4. მიმწოდებელი ვალდებულია დაუყონებლივ გამოასწოროს შემსყიდველის მიერ აღმოჩენილი ხარვეზი.
- 4.5. შემსყიდველი ვალდებულია აუნაზღაუროს მიმწოდებელს ხელშეკრულების ფასი, ხელშეკრულებით გათვალისწინებულ ოდენობისა და ფორმის შესაბამისად.

### 5. ხელშეკრულების პირობების შეუსრულებლობა

- 5.1. მიმწოდებლის მიერ ამ ხელშეკრულებით გათვალისწინებული მოთხოვნების შეუსრულებლობის შემთხვევაში, მიმწოდებელს, წინასწარი შეტყობინების გარეშე, დაეკისრება შემსყიდველისათვის შემდეგი ოდენობის პირგასამტეხლოს გადახდა:

5.1.1 საქონლის მიწოდებლობისათვის (მათ შორის ხელშეკრულებით განსაზღვრულ ვადაში, უხარისხო, არასრული მოცულობით, საჭირო დოკუმენტაციის გარეშე) მიუწოდებელი შესყიდვის ობიექტის ღირებულების 0,2% ყოველ ვადაგადაცელებულ დღეზე.

5.2. პირგასამტეხლოს დარიცხვის მიუხედავად, შემსყიდველი უფლებამოსილია:

5.2.1. ამ ხელშეკრულებით გათვალისწინებული პირობების დაცვით, შეწყვიტოს ან შეინარჩუნოს ეს ხელშეკრულება;

5.2.2. მიღება-ჩაბარების აქტი გააფორმოს საქონლის მხოლოდ იმ ნაწილზე, რომელიც შეესაბამება ამ ხელშეკრულებით განსაზღვრულ მოთხოვნებს, ხოლო საქონლის იმ ნაწილზე, რომელიც არ შეესაბამება ამ ხელშეკრულებით განსაზღვრულ მოთხოვნებს დაარიცხოს პირგასამტეხლო ამ მუხლის შესაბამისად;

5.3. შემსყიდველის მიერ შესყიდვის ობიექტის ღირებულების ხელშეკრულებით განსაზღვრულ ვადაში და პირობებით მიმწოდებლისათვის გადაუხდელობის შემთხვევაში, მიმწოდებელს უფლება აქვს დააკისროს შემსყიდველს პირგასამტეხლოს გადახდა, გადაუხდელი თანხის 0,02 %-ის ოდენობით ყოველ ვადაგადაცელებულ სამუშაო დღეზე.

5.4. დღეების მიხედვით დარიცხვადი პირგასამტეხლოს გადახდა არ ათავისუფლებს მხარეს ამ ხელშეკრულებიდან გამომდინარე ვალდებულებების შესრულებისგან.

5.5. დღეების მიხედვით დარიცხვადი პირგასამტეხლოს დარიცხვა წყდება მხარის მიერ ვალდებულების შესრულების შემდეგ ან ხელშეკრულების მოქმედების ვადის გასვლის შემდეგ ან ხელშეკრულების შეწყვეტის შემდეგ, იმის მიხედვით თუ ამ გარემოებებიდან რომელი უფრო ადრე დადგება.

5.6. ხელშეკრულების შეწყვეტის ან მოქმედების ვადის გასვლის შემთხვევაში, მიმწოდებლის მიერ ხელშეკრულების პირობების ნაწილობრივ (არაჯეროვნად) შესრულებისათვის, მიმწოდებელს დაეკისრება პირგასამტეხლო მიუწოდებელი შესყიდვის ობიექტის ღირებულების 10%-ის ოდენობით, ხოლო ხელშეკრულების პირობების შეუსრულებლობისათვის, მიმწოდებელს დაეკისრება პირგასამტეხლო ხელშეკრულების საერთო ღირებულების 20%-ის ოდენობით.

## 6. საქონლის მიწოდების პირობები, ვადები და ადგილი

6.1. მიმწოდებელმა შემსყიდველის სასარგებლოდ ამ მუხლით განსაზღვრულ ვადაში და ადგილზე უნდა განახორციელოს წინამდებარე ხელშეკრულებით გათვალისწინებული საქონლის მიწოდება.

6.2. საქონლის მიწოდების ადგილი: ქ. თბილისი, ხელშეკრულების 8.2.1. ქვეპუნქტში მითითებული პირ(ებ)ის მოთხოვნის შესაბამისად.

6.3. საქონლის მიწოდების ვადა: ხელშეკრულების გაფორმებიდან, 2017 წლის 30 ივნისის ჩათვლით

## 7. ანგარიშსწორება

7.1. შემსყიდველი იღებს ვალდებულებას, გადაუხადოს მიმწოდებელს მიწოდებული საქონლის ღირებულება ამ საქონლის მიღება-ჩაბარების აქტის ხელმოწერიდან 15 (თხუთმეტი) სამუშაო დღის ვადაში, ამ ხელშეკრულებით გათვალისწინებული დოკუმენტაციის საფუძველზე.

7.2. ანგარიშსწორების ვალუტა: ლარი.

7.3. ანგარიშსწორების ფორმა: უნაღდო.

## 8. ხელშეკრულების ინსპექტირების პირობები

8.1. შემსყიდველი უფლებამოსილია საქონლის მიწოდების პარალელურად განახორციელოს შემოწმება, რომლის მიზანია მიწოდებული საქონლის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

8.2. ხელშეკრულების ინსპექტირებას შემსყიდველის მხრიდან განახორციელებს:

8.2.1. საქართველოს თავდაცვის სამინისტროს შეიარაღებული ძალების გენერალური შტაბის ჯარების ლოგისტიკური უზრუნველყოფის სარდლის მიერ გამოყოფილი პირ(ები) – შესრულების ვადების, მიწოდების ადგილის, მიღება-ჩაბარების, საქონლის ხარისხის, რაოდენობის (მოცულობის) და საგარანტიო მომსახურების პირობების კონტროლის საკითხებზე.

8.3. შემსყიდველის მიერ ინსპექტირება განხორციელდება ხელშეკრულების შესრულების ნებისმიერ ეტაპზე.

## 9. ფორს-მაჟორი

9.1. მხარეები თავისუფლდებიან წინამდებარე ხელშეკრულებით გათვალისწინებული პასუხისმგებლობისაგან, როდესაც ნაკისრი ვალდებულებების შეუსრულებლობა გამოწვეულია ფორს-მაჟორული მდგომარეობის არსებობით.

9.2. ფორს-მაჟორულ მდგომარეობად ითვლება წინასწარ განუსაზღვრელი ნებისმიერი გარემოების არსებობა, რომელიც მხარისგან დამოუკიდებელი მიზეზის გამო წარმოადგენს დაუძლეველ ძალას (სტიქიური უბედურება, საომარი ან საგანგებო მდგომარეობა, ეპიდემია, კარანტინი და სხვა) და შეუძლებელს ხდის მის მიერ ნაკისრი ვალდებულების შესრულებას.

9.3. ფორს-მაჟორული გარემოებების დადგომის შემთხვევაში იმ მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების დადგომის და მათი გამომწვევი მიზეზების შესახებ არაუგვიანეს 2 კალენდარული დღისა. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

9.4. მხარეების მიერ ხელშეკრულებით განსაზღვრული ვალდებულებების შესრულება გადაიდება ფორს-მაჟორული გარემოების ლიკვიდაციამდე.

#### 10. ხელშეკრულების მოქმედების ვადა

ხელშეკრულება ძალაში შედის მისი ხელის მოწერის დღიდან და მოქმედებს 2017 წლის 15 აგვისტოს ჩათვლით

#### 11. შესყიდვის ობიექტის მიღება-ჩაბარების წესი

11.1. მიმწოდებლის მიერ საქონლის გადაცემა და შემსყიდველის მიერ მისი მიღება დასტურდება ორივე მხარის უფლებამოსილი წარმომადგენლების (ხელშეკრულების 8.2.1. ქვეპუნქტში მითითებული პირ(ებ)ის) მიერ ხელმოწერილი მიღება-ჩაბარების აქტით.

11.2. მიღება-ჩაბარების აქტის გაფორმების შემთხვევაში, საქონლის მიწოდების თარიღად ჩაითვლება შემსყიდველისთვის საქონლის დროებით შენახვაზე გაფორმებული მიღება-ჩაბარების აქტის თარიღი.

11.3. საქონლის დროებით შენახვაზე გაფორმებული მიღება-ჩაბარების აქტი არ წარმოადგენს საქონლის საბოლოოდ მიღების დამადასტურებელ დოკუმენტს და არ წარმოშობს ანგარიშსწორების ვალდებულებას.

11.4. შემსყიდველი (ხელშეკრულების 8.2.1. ქვეპუნქტში მითითებული პირები) უფლებამოსილია დროებით შენახვაზე მიღებული საქონლის ნიმუშ(ებ)ი, ხოლო პარტიებათ მიწოდებულ საქონელზე, ყოველი პარტიიდან მიწოდებული საქონლის ნიმუშ(ებ)ი, ხელშეკრულების მოთხოვნებთან შესაბამისობის დადგენის მიზნით, საქონლის დროებით შენახვაზე მიღება-ჩაბარების აქტის გაფორმების შემდეგ გადააგზავნოს შესაბამის საექსპერტო დაწესებულებაში რის შესახებაც უნდა აცნობოს სახელმწიფო შესყიდვების დეპარტამენტს.

11.5. მიმწოდებელი უფლებამოსილია დროებით შენახვაზე შემსყიდველისათვის გადაცემული საქონლის ნიმუშ(ებ)ი, ხოლო პარტიებათ მიწოდებულ საქონელზე, ყოველი პარტიიდან მიწოდებული საქონლის ნიმუშ(ებ)ი, ხელშეკრულების მოთხოვნებთან შესაბამისობის დაჩქარებული წესით დადგენის მიზნით, საქონლის დროებით შენახვაზე მიღება-ჩაბარების აქტის გაფორმებიდან 5 (ხუთი) სამუშაო დღის ვადაში წარადგინოს შემსყიდველთან (ხელშეკრულების 8.2.1 ქვეპუნქტში მითითებული პირები) შეთანხმებულ შესაბამის საექსპერტო დაწესებულებაში. ამ შემთხვევაში საქონლის ნიმუშ(ებ)ის ტრანსპორტირების და საექსპერტო კვლევის ხარჯებს იხდის მიმწოდებელი.

11.6. შემსყიდველი უფლებამოსილია, განაცხადოს უარი საქონლის ან მისი ნაწილის მიღებაზე, თუ იგი არ შეესაბამება ხელშეკრულებით გათვალისწინებულ პირობებს.

11.7. მიღება-ჩაბარების აქტის ხელმოწერამდე, ყველა ქონებრივი უფლება საქონელზე ეკუთვნის მიმწოდებელს და რისკები მისი შემთხვევით (მთლიანად ან ნაწილობრივ) დაღუპვაზე, გაფუჭებაზე ან სხვა ზიანზე ეკისრება მიმწოდებელს, ხოლო, მიღება-ჩაბარების აქტის ხელმოწერის მომენტიდან, აღნიშნული უფლებები და რისკები გადადის შემსყიდველზე.

11.8. საქონლის (მისი ნაწილის) მიღების და/ან საბოლოო შემოწმების შედეგად გამოვლენილი ნაკლი აღმოფხვრას საკუთარი ხარჯებით უზრუნველყოფს მიმწოდებელი.

#### 12. დავების გადაწყვეტის წესი

12.1 მხარეებს შორის ყველა დავა და უთანხმოება, წარმოქმნილი ხელშეკრულებასთან დაკავშირებით გადაწყდება მხარეთა შორის ურთიერთმოლაპარაკების გზით.

12.2. თუ მოლაპარაკების შედეგად მხარეები გონივრულ ვადაში ვერ შეძლებენ სადავო საკითხების შეთანხმებას, ნებისმიერ მხარეს დავის გადაწყვეტის მიზნით, დადგენილი წესით, შეუძლია მიმართოს საქართველოს სასამართლოს.

#### 13. გარანტია

13.1. მისაწოდებელი საქონლის საგარანტო ვადა განისაზღვრება ვერტიკალური ველოტრენაჟორის შემთხვევაში არანაკლებ 3 (სამი) წელი, ხოლო პრესის ტრენაჟორი შემთხვევაში არანაკლებ 5(ხუთი) წელი, რომელიც აითვლება მიღება-ჩაბარების აქტის გაფორმების თარიღიდან.

13.2. გარანტია არ ვრცელდება შემსყიდველის მიერ საქონლის ექსპლუატაციის წესების დარღვევის, კერძოდ: საქონელზე სერიული ნომრის ან ინდექსის დაზიანების, არაკომპეტენტური პირების მიერ ჩატარებული სამონტაჟო სამუშაოების, ნივთის დაუდებრობით მოხმარებისთვის, ასევე გარეგანი ზემოქმედების შედეგად (მექანიკური ზემოქმედება, არაკვალიფიციური მოპყრობა) მიყენებულ ზიანზე.

13.3. შემსყიდველის წარმომადგენლ(ებ)ის ან მოწვეული ექსპერტ(ებ)ის მიერ წუნის გამოვლენის შემთხვევაში, მიმწოდებელი ვალდებულია, ხელშეკრულების 8.2.1. ქვეპუნქტში მითითებული პირ(ებ)ის მიერ განსაზღვრულ გონივრულ ვადაში მოახდინოს წუნდებული ნივთის შეცვლა ახლით. თუ მიმწოდებელი დადგენილ ვადაში არ შეცვლის წუნდებულ ნივთს, იგი ვალდებულია დაუბრუნოს შემსყიდველს გადახდილი თანხა, მოთხოვნიდან 5 სამუშაო დღის განმავლობაში.

13.4. საქონლის წუნში იგულისხმება უფლებრივი ან/და ნივთობრივი ნაკლი, ქარხნული წუნი, ნორმალური ექსპლოატაციის და/ან შენახვის პირობებში ხელშეკრულებით განსაზღვრული მახასიათებლების ან სხვა საექსპლოატაციო თვისებების დაკარგვა და ა.შ.

13.5. საგარანტიო პირობებით განსაზღვრული მოთხოვნები ძალაშია მთელი საგარანტიო ვადის განმავლობაში, მიუხედავად ხელშეკრულების მოქმედების ვადისა.

#### 14. დასკვნითი დებულებები

14.1. წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

14.2. ხელშეკრულებაში დამატებების ან/და ცვლილებების შეტანა შესაძლებელია მხოლოდ მხარეთა შორის წერილობითი ფორმით დადებული შეთანხმების საფუძველზე.

14.3. შეთანხმება ხელშეკრულებაში ცვლილებების ან/და დამატებების შეტანის თაობაზე უნდა დაერთოს ხელშეკრულებას და იგი წარმოადგეს ხელშეკრულების განუყოფელ ნაწილს.

14.4. ორივე მხარე უფლებამოსილია მოშალოს ეს ხელშეკრულება ცალმხრივად, თუ მეორე მხარე ვერ უზრუნველყოფს თავის ვალდებულებების ჯეროვან შესრულებას ან მოქმედი კანონმდებლობით გათვალისწინებულ სხვა შემთხვევაში.

14.5. თუ ამ ხელშეკრულებით სხვა რამ არ არის გათვალისწინებული, მხარეთა შორის ამ ხელშეკრულების ფარგლებში ნებისმიერი ოფიციალური ურთიერთობა წარმოებს წერილობითი ფორმით და იგზავნება საფოსტო გზავნილის სახით ან მიეწოდება უშუალო ადგილსამყოფლის მიხედვით. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

14.6. შემსყიდველის მიერ შეტყობინება მიწოდებულად ითვლება იმ შემთხვევაშიც, თუ მან შეტყობინება გაგზავნა მიმწოდებლის ყოფილ მისამართზე, რომელიც მიმწოდებელმა შეცვალა, მაგრამ ამის თაობაზე არ აცნობა შემსყიდველს. ამ შემთხვევაში შეტყობინება მიწოდებულად ითვლება გაგზავნის მეორე სამუშაო დღეს.

14.7. ყველა ის საკითხი, რომელიც არ არის მოწესრიგებული წინამდებარე ხელშეკრულებით და ეხება შემსყიდველსა და მიმწოდებელს შორის არსებულ ურთიერთობას, წესრიგდება საქართველოს კანონმდებლობით დადგენილი წესით.

14.8. ხელშეკრულება შედგენილია ქართულ ენაზე, თანაბარი იურიდიული ძალის მქონე 2 იდენტურ ეგზემპლარად.

მხარეთა იურიდიული მისამართები და რეკვიზიტები

#### შემსყიდველის მხრიდან:

საქართველოს თავდაცვის სამინისტრო  
ქ. თბილისი, გენერალ გ. კვინიტაძის ქ. N20  
ს.კ. 204900483  
ტელ: (+995 032) 2 54 35 35; (+995 032) 2 72 35 35

სახელმწიფო ხაზინა  
ხაზინის ერთიანი ანგარიში  
ბანკის კოდი TRESGE22  
მიმღების ანგარიში 200122900

სახელმწიფო შესყიდვების დეპარტამენტის  
უფროსი

შალვა ბულაშვილი



#### მიმწოდებლის მხრიდან:

შპს „მასტერ სპორტი“  
ქ. თბილისი, ელბაქიდის აღმართთან არსებული  
გვირაბის მიმდებარედ.  
ს.კ. 202378131

ტელ: 592444006

სს „საქართველოს ბანკი“  
ბანკის კოდი BAGAGE22

ა/ა: GE83BG000000222495200



საქონლის დასახელება, მახასიათებლები, რაოდენობა და ღირებულება

№	საქონლის დასახელება	მახასიათებლები	ზომის ერთეული	რაოდენობა	ერთეულის ღირებულება დღგ-ს ჩათვლით (ლარი)	ჯამური ღირებულება დღგ-ს ჩათვლით (ლარი)
1	ვერტიკალური ველოტრენაჟორი U5X_13	<p>MATRIX ელექტრო 8 პროგრამიანი კომერციული დანიშნულები ვერტიკალური ველოტრენაჟორი მონიტორი ილუვს შემდეგ ინფორმაციას:</p> <p>დრო გასული, დრო დარჩენილი, საათი, დისტანცია სიჩქარე, დატვირთვის დონე, ვატი, პულსაცია, ბრუნის რაოდენობა, (კილომეტრი/მილი), კალორია, 8 სვარჯიში პროგრამა</p> <p>Manual, Rolling Hills, Target HR, Interval Training, Constant Watts, Fat Burn, Fitness Test, Sprint 8</p> <p>ინტეგრირებული USB გადაცემა</p> <p>გაგრილების სისტემა პულსაციის სენსორები ორ პოზიციაზე სახელებიდან დატვირთვის მართვის შესაძლებლობა სახელებიდან ორ პოზიციაზე.</p> <p>სკამი რეგულირებადი 15 პოზიციაზე თვითგენერაციაზე დატვირთვის დონე 1-30 მომხმარებლის წონა: 182 კგ</p> <p>ტრენაჟორის ზომები: 130.7 X 65.4 X 153.7 სმ.</p> <p>ტრენაჟორის წონა: 87 კგ</p>	ცალი	1	7318,00	7318,00
2	პრესის ტრენაჟორი G1-FW152	<p>პრესის ტრენაჟორი, სწრაფი რეგულირების სისტემით;</p> <p>4 პოზიციაზე დახრის ფიქსაცია;</p> <p>დახრის კუთხის დიაპაზონი - 0 დან 30 გრადუსამდე;</p> <p>ორგანოფილირებადი (საზურგე და საჯდომი);</p> <p>2 გადასადგომი გორგოლაკით.</p> <p>დანადგარის ზომები: 208.28 X 63.5 X 96.5 სმ. წონა: 49.89 კგ.</p>	ცალი	1	1874,00	1874,00
სულ ჯამური ღირებულება დღგ-ს ჩათვლით (ლარი):					9 192,00	9 192,00

შემკიდველის მხრიდან:

შ. ბულაშვილი  
საქართველოს თავდაცვის სამინისტროს  
სახელმწიფო შესყიდვების დეპარტამენტის  
უფროსი



მიმწოდებლის მხრიდან:

